

**Kugbɔnku kùà Pɔl kɛle' ki de'
Filip
yaab nnɔ
Nà wɔngeh kugbɔnku kuu te
ma bo**

Filip yé Maseduɔnn ya tinfɛnm ya du nɛ. Pɔl joh u'sen nle bo nɛ ki tɔke' Filip yaab tigbɛmɔnmɔnt.

Pɔl kɛle' kugbɔnku kuu ki wuɔn' ki wɔn nin Filip yaab yíe tɔb ki gbien'. Ní tete nɛ bi lá cuo' Pɔl ki pɛkn' Yonbdaan ya tuonl bo. U te lipɛkl ni ka rí fre kí tore Filip yaab ma nnɔ nɛ ní wi wɔ cɛɛn, kimɛ u cii' binib biba nuunh bɛ rí tuln bɛ nɛ (1:15-17; 2:21; 3:2, 18). Pɔl sɔn' uba ní'bó wɔ rí tí tore bɛ kí cenge tigbɛr nnɔ (2:19-30).

Pɔl faare' Filip yaab bi'pum bo, ki sure' bɛ, bɛ rí li ηuuke tigbɛmɔnmɔnt nnɔ tinɔjɛr tule, ki la cère uba rí tuln bɛ.

Yesu dàan' u là ηmɔbe nà kɛ, nɛ Uwien taa' tibont kɛ ki ηukn' wɔ. Nnɔ nɛ Pɔl mɔ dàan' nà kɛ là yé u'bo lifaal nnɔ (3:3-10), ki tuo' ki jèndeh Yesu Kristo bo, nɛ ki tɔke' bɛ ki ye bi'mɔ rí tɛkn u'taal ni (3:17; 4:9), kí li ηmɔbe uyɛnsonge uyo kɛ, kí li kpɛ buñɔbu.

Ifuonde

¹ Min Pɔl nin Timote yé *Yesu Kristo ya tonsɔnb nɛ. Ti kieh kugbɔnku kuu tí de bà kɛ yé Uwien ya nib kí ñɛ *Yesu Kristo bo, ki te Filip ya du ni nnɔ nin bà likeh Kristo ya taanl nin bi'totorb nɛ.

² Tí'Baa Uwien nin Yonbdaan *Yesu Kristo rí juoke nɛ, kí de nɛ uyɛnduɔn.

Pɔl kàareh ki dienh Filip yaab

³ Uyo wà ke n tiere' ni'bo la, n faareh n'Wien ni'bo ne.

⁴ N kàareh ki dienh ni'ke uyo wà ke la, n kàareh nin uyensonge ne.

⁵ Kimε kí ñε lidaali là n baa' ni'saan kí lá tu dinno, ni toreh nni ne n tɔkeh binib tigbɛmɔnmɔnt.

⁶ N du ki ye Uwien cin' lituonmɔnmɔnl là ni'ni nnɔ u li sɔn kí tĩ gben lè lidaali là *Yesu Kristo li baa ní nnɔ ne.

⁷ Nĩ kpε ní li ηmɔbe i ya yenmaale ni'ke bo, kimε n'yenm pε ni'bo ne. Uwien juoke' min nin ninbi ke ma nnɔ ne cère' ni tore' nni fenfenno wà n te lipεkl ni nɔ nin uyo wà n là mɔh tigbɛmɔnmɔnt bo, ki nuunh binib ní tũre kí teke tũ kí ji nnɔ.

⁸ Imɔn, Uwien ne yé umɔnkunl ki ye n yíe ni'ke nin n'fél ke. Kimε n yíe ne ten *Yesu Kristo yíe ne ma bo ne.

⁹ N kàareh nà bo si: Uwien ní cère ni'yíem ní li yebreh ki joh ηɔ ni'nun bó ní li wendeh ní li bendehe tibont ke ya tingi mɔnmɔnm,

¹⁰ ηɔ kí sekn kí gènde nà mɔn. Nnɔ ne na ní li ηmɔbe jɔknt, ka ní li ηmɔbe biil mɔ lidaali là Kristo li baa ní nnɔ.

¹¹ *Yesu Kristo li cère ní li tuu ki teh nà cuube ηɔ Uwien ní li ηmɔbe ukpíeke nin kupenpεku.

Pɔl mɔh tigbɛmɔnmɔnt bo

¹² N'yaabε, n yíe ní bende kí ye nà tu' nni nɔ bo binib cii' tigbɛmɔnmɔnt ki yebe ne.

¹³ Nen bo, sojambe bà gu ubercien den nin binitɔb ke ben ki ye Kristo bo ne n te lipεkl ni.

14 N te lipɛkl ni ma nnɔ̀ cɛ̀rɛ' Kristo yaab bà yɛbe du Yonbdaan bo ki gbien', ki laa' lifɛ̀l cɛɛn, ki tɔkeh binib Uwien ya gber ka fenge.

15 Imà̀n, bi'ni biba ηmɔ̀be n'bo iponponbe nɛ ki tɔkeh Kristo ya gber, ki nuunh bɛ́ rí li niɛh nin nni. Ama bitɔ̀b mɔ̀ tɔkeh Kristo ya gber nin iyɛnmaalmɔ̀nmɔ̀n nɛ.

16 Bɛn wɔ̀n, bi ηmɔ̀be miyíem nɛ ki teh nnɔ̀, kime bi bɛn ki ye n te lipɛkl ni rí mɔ̀ tigbɛmɔ̀nmɔ̀nt bo nɛ.

17 Bitɔ̀b nnɔ̀ bɛn wɔ̀n, bi nuunh bɛ́ rí wuɔ̀n kí ye bi cɛn' nni nɛ ki tɔkeh Kristo ya gber. Bi'yɛnmaale ηa mɔ̀n. Bi teh nnɔ̀ ki nuunh n'jɛnd nɛ rí yɛbre lipɛkl ni.

18 Bi tɔkeh Kristo ya gber nin iyɛnmaalbiere bii bi tɔkeh tù nin iyɛnmaalmɔ̀nmɔ̀n nɛ la, n'baka ηa kpe len. Nin nɛn kɛ ηɔ̀ bi'kɛ tɔkeh Kristo ya gber nɛ. Nɛn nɛ cɛ̀rɛ' n poknh, ki li tuu ki poknh.

19 Kime n bɛn ki ye nɛn nɛ li cɛ̀rɛ rí ñɛ len kí ñɛ ni kàareh ki dienh nni ma nnɔ̀ nin *Yesu Kristo ya Fuoñaanm bo.

20 N gu nɛn nɛ nin inunmɔ̀n, ki daan nɛ̀ rí lí rí tien. N li tien nà kpe rí tien nɛ̀ nɛ, kí li ηmɔ̀be lifɛ̀l uyo wuu nɔ̀ tɛn n là ηmɔ̀be lè ma bo uyo kɛ, kí cɛ̀rɛ n li kpo bii n li fuobe la, binib rí li kpiɛkreh Kristo n'bo.

21 Kime min wɔ̀n, n fuobe la, Kristo nɛ yé ni-bonmà̀nn, n tí kpo' la, nǐ yé kpele nɛ n'bo.

22 Ama n li biɛ ki fuobe nɛ kí sɔ̀n Uwien ya tuonl lè rí tore binib la, ma ji bɛn n li gɛ̀nde nà.

23 Nǐ fike' nni nɛ. N bi yíe rí kpo kí li te nin Kristo nɛ. Nɛn nɛ tu.

24 Ama ninbi bo, n juore' ki fuobe nɛ la, nǐ mɔ̀n.

25 Nɛn bo, n bɛn ki ye ma rí kpo, nǐ yé imà̀n nɛ. N li juore kí li te nin ni'kɛ nɛ, kí li toreh nɛ ni'tekjim

ń li joh inun bó, ní li ńmábe uyensáonge,

²⁶ ńǎ n tí liébe' ní ní'saan la, ní li jebnh ní'ba kí ńé
*Yesu Kristo cèrè' n sǎn' itùon yà ki de' nε nnǎ bo.

Li tuu ki cε mεn limuǎl Kristo ya gbεmǎnmǎnt bo

²⁷ Nǐ te ma kε la, li fuobe mεn binib ni Kristo ya gbεmǎnmǎnt wǎkn' nε ma bo. Nǐ yé n fre' la, n li baa ní'saan. Ma tí baa la, ń cii ní'gber kí ye ni pε mitekjim ya sεn bo mǎnmǎnm, ki kpε buńǎbu, ki ńmábe iyenmaale iba, ki mǎh limuǎl liba mitekjim mà kpε tigbεmǎnmǎnt ya sεn nnǎ bo.

²⁸ La sεn mεn ní'nεnnεndb jεwaanbu. Nεn nε li wuǎn bε kí ye bi joh mibolm nε, kí wuǎn ní'mǎ kí ye ni li ńmεre. Nǐ yé Uwien yaam nε.

²⁹ Kimε Uwien ńa juoke' nε ní teke Kristo kí ji baba nε, ama u juoke' nε ní jènde u'bo mǎ nε,

³⁰ kí li mǎh limuǎl là ni là laa' n mǎn' lè u'bo, ki cii' n biε ki mǎh lè fεnfennǎ nnǎ.

2

Li jiindeh mεn ní'ba tingi tεn Kristo

¹ Kristo bo, ni ńmábe ugbenensaake, u'yíem cèreh ni faakreh, *u'Fuońaanm cèreh ni kpε buńǎbu, ki ńmábe tinimǎnt, ki muǎh tǎb micεcεkm ma nnǎ,

² ní li kpε buńǎbu, kí li yíe tǎb, kí li tε iyenmaale, kí li pε usen uba bo ńǎ ń li ńmábe uyensáonge kí tí gben.

³ La li ńmábe mεn naniεrku tǎb bo, ki la li wǎngεh ní'ba. Na ńmábe kpεle. Ama ní li jiindeh ní'ba tingi, kí li bùh binitǎb tεn bεn nε cεn' nε.

⁴ Uba la li nuunh u'tiεma mǎnm, ama wǎ ń li nuunh bitǎb yaam.

⁵ Li ηmabe mɛn mi ya tetem nin ni'tɔb tɛn *Yesu Kristo.

⁶ Wɔn wà nin Uwien kɛ te miba nnɔ, wa cɛ ki ye wɔn nin Uwien ní li kpɛ.

⁷ Ama u'yɛnm ni nɛ u dàan' tibont kɛ, ki ηmabe utons�nl ya tetem, ki tien' u'ba unisaal, unil kɛ laa' u yé unisaal.

⁸ U jiin' u'ba tingi, ki tuo' Uwien ya ñɔbu bó, haali ki tĩ kpo'.

U kpo' udɔpɔnpɔn bo nɛ.

⁹ Nɛn bo nɛ Uwien kpian' wɔ ki tĩ gbien', ki de' wɔ liyel là cɛn' iyel kɛ,

¹⁰ ηɔ bà te paaki bó nin bà te kitink bo nin bà te dɛntingi nnɔ kɛ cii' *Yesu ya yel la, bɛ ní gbaan kí kpiɛke wɔ,

¹¹ ηɔ inibol kɛ ní len kí ye *Yesu Kristo nɛ yé tibont kɛ ya Yonbdaan, kí kpiɛke ti'Baa Uwien.

Li yé mɛn kuwenwenku unɛndun wuu ni

¹² Nɛn bo, n'jɔtiebɛ, ni yé binib bà tuu ki ηmabe mibom nɛ. Ni la ηmabe bom uyo wà n te ni'saan baba, ama fɛnfennɔ ma te ni'saan ma nɔ, li ηmabe mɛn mibom ki cɛn' uyo wà n te ni'saan. Tùɔre mɛn kí li boh Uwien, kí li sɔnh itùon yà wɔngɛh ki teh ni ηmɛre' nnɔ kí tĩ gben.

¹³ Kimɛ wɔn Uwien nɛ sɔnh ni'ni, ki cèreh ni yíe u yíe nà, ki liɛbe' ki cèreh ni teh nè mɔ.

¹⁴ Li teh mɛn tibont kɛ ki la ηulnh, ki la findeh nin tɔb mɔ,

15 ηο kí li yé binib bà ηα ημῶβε biil, ka ημῶβε jəknt, kí li yé Uwien ya bumu mùa mən ki tĩ gben' binib bà ηα cuube, ka kpe sən ya siik ni, ki li te tən kuwenwenku kí wendeh uηendun,

16 kí li tṓkeh be tigber tà dienh limiελ. Nnṓ nε ninbi bo n li jεbn n'ba lidaali là Kristo li baa ní nnṓ, kimε n sən' lituonl là nin inunmón nnṓ ηα juore' fεnm.

17 Ni'tekjim yé lituṓrl nε ki de' Uwien. Nba la, bi li ku nni. Bi ku' nni la, n'sεm mṓ li tien lituṓrl nε kí pukn ni'yaal bó. Nĩ te nnṓ la, n ημῶβε uyensonge nε ki poknh nin ni'kε.

18 Nεn bo, ni'mṓ rĩ li ημῶβε uyensonge kí li poknh nin nni.

Pɔlye wɔ rĩ sən Timote nin Epafrodit

19 N daan ki ye Yonbdaan *Yesu de' usen la, n li sən Timote ni'saan itaan yiε bo, wṓ rĩ tĩ cenge ni'gber, kí lá tṓke nni ηο n'yεnm rĩ duṓn.

20 Kimε wṓn ηα rĩ la, ma ημῶβε min nin wà maaleh ni'bó. Nil ηα te ki cinbe ki tṓnge ni'gber.

21 Bitṓb kε nuunh bi'tiema mṓnm nε, ba tṓnge *Yesu Kristo ya tuonl.

22 Ama Timote wṓn, ni ben wṓ, ki laa' u sən' ma bo. U sṓnh nin nni tigbεmṓnmṓnt ya sən ni tən kibuk sṓnh nin ki'baa ma bo nε.

23 Nεn bo, n tĩ laa' n'gber ya donbó la, n daan rĩ pṓk kí sən wṓn nε ni'saan.

24 N du Yonbdaan bo ki ye min nin n'yul li baa ni'saan na rĩ taande.

25 Ama n maale' ki ye nĩ kpe rĩ cère ti'ninjε Epafrodit rĩ liεbe ni'saan nε. U yé min nin wà tε ki sṓnh, ki tε ki mṓh limuṓl liba nε, ki yé unil wà ni sən' wṓ, wṓ rĩ lá de nni nà pṓre' nni.

26 U'nun mɔ́n wɔ́ rí tí rí lɛ ní'kɛ ama u'yɛnm saa' nǐ tǐ kɛnde', kímɛ ni cii' u'wɛn bó.

27 Imòn, u bunge' ki tǐ benh wɔ́ rí kpo nɛ, ama Uwien muɔ' wɔ́ mícɛɛkɛm. Na yé u muɔ' wɔ́n baba nɛ mícɛɛkɛm, u muɔ' n'mɔ́ nɛ ɲɔ́ n'yɛnsaa la yɛbre kí pukn.

28 Nɛn bo nɛ n teh tontonm rí cère wɔ́ rí liɛbe ní'saan, ní tí rí tǐ lɛ wɔ́ ní'yɛnm rí sɔ́nge ɲɔ́ n'bugbɛn ya yɛnm rí duɔ́n waamu.

29 Nɛn bo, teke wɔ́ mɛn nin uyɛnsɔ́ngciɛn, kímɛ u yé Yɔ́nbdaan yɔ́ nɛ. Li selndeh mɛn binib bà kɛ te tɛn wɔ́n.

30 Kímɛ Kristo ya tuonl bo nɛ u là sɛn' waamu wɔ́ rí kpo. Wa là jie u'miɛl, nɛ ki sɔ́n' nni lituonl là ninbi nin ní'yul ɲa bi li fre kí sɔ́n nni lè nnɔ́.

3

Nà li cère unil rí li cuube Uwien ya nun bó

1 Tɔ́, n'yaabɛ, li poknh mɛn Yɔ́nbdaan bo. Nǐ yé rí liɛbe kí kele nɛ n là kpiɛ' ki kele' nɛ nà nnɔ́ nɛ la, na ɲaabeh n'yɛnm, kímɛ nɛn nɛ li cère ní ñɛ kinunbɔ́nk ni.

2 Liike mɛn ní'yul bo nin bitonsɔ́nbierb; i ya sɛngbɛle jeh ki bungreh i'ba nɛ ki yih nɛ upunjiɛ.

3 Tinbi ya punjiɛ nɛ yé upunjiɛmòn, kímɛ *Uwien ya Fuoñaanm nɛ cèreh ti pukeh wɔ́, ki jɛbnh ti'ba *Yesu Kristo bo, ka du ti'tiɛma tuɔ́m bo.

4 Nin nɛn kɛ ɲɔ́ min ɲmɔ́be usɛn rí li du n'tiɛma tuɔ́m bo. Unil ye u ɲmɔ́be usɛn wɔ́ rí li du u'tiɛma tuɔ́m bo la, n ɲmɔ́be usɛn ki cɛn' wɔ́.

5 Bi maa' nni, wienniin daali nɛ bi jie' n'punl. N yé Israyel ya bol ya nil nɛ, ki yé Bɛnsamɛn ya yaabil. N'baambɛ kɛ yé Ebrembɛ nɛ. Yiko ya sɛn

ni wɔn, n yé *Farisienmbɛ ya cɛkl yɔ nɛ ki pɛ u'bo mɔnmɔnm.

⁶ N'tùon ya sɔnm ni, n'nun là mɔn rí jènde Kristo ya taanl yaab nɛ. Yiko ya sɛn ni mɔ la, ma là ηmɔbe biil yiko uba bo.

⁷ N là maaleh ki teh nɛn kɛ yé n'bo kpɛle nɛ. Ama Kristo bo n laa' nǐ yé fɛnm nɛ.

⁸ Imɔn nɛ, n yin' nibonn kɛ fɛnm kimɛ n bɛnde' *Yesu Kristo n'Yonbdaan ma nnɔ, nɛn nɛ cɛn' nibonn kɛ. Wɔn bo nɛ n dɔan' nibonn kɛ, ki ye ni'kɛ yé tibint ηɔ rí li yé wɔn Kristo yɔ nɛ,

⁹ kí li tɛ nin wɔ kí tǐ gben. Na yé n pɛ *yiko bo ma nnɔ nɛ ki yé ugbɛmɔndaan. N teke' Kristo ki jin' ma nnɔ, nɛ ki yé ugbɛmɔndaan. Uwien bùh binib bigbɛmɔndɛnb kí ñɛ mitekjim bo nɛ.

¹⁰ N yé nibonbaabn nà si: rí li bɛn Kristo nɛ, kí li bɛn u mɛkrm ya tuɔm, kí taan nin wɔ u'jɛnd ni, kí tǐ kpo tɛn wɔn,

¹¹ ηɔ kí li daan ki ye n'mɔ li mɛkre bitɛnkpiib ni.

Pɔl tiinh kí cuube lisuul ya bùol

¹² Na yé n ye n baa' lisuul nnɔ ya bùol ηɔ nɛ, ka yé n ye n yé wà niba ηa ji pɔre' wɔ nɛ. Ama n mɔndeh kí tiinh rí nènde lè nɛ, kimɛ *Yesu Kristo nɛ cuo' nni kí tien' u'yɔ.

¹³ N'yaabɛ, ma ye min nènde' lisuul nnɔ ηɔ nɛ. N'nun mɔn nibonn nà bo si: rí sunde nà tien' n'puoli bó nɛ, kí li bɔ minɔnm bo kí joh inun bó.

¹⁴ N tiinh kí cuube lisuul ya bùol nɛ, ηɔ *Yesu Kristo bo rí lɛ Uwien yin' tɛ wɔ rí de tɛ lisuul là paaki bó nnɔ.

¹⁵ Tinbi bà kɛ tien' binicekrkaab mitekjim ya sɛn ni nnɔ, cère mɛn tí li maaleh nnɔ. Ni tí ηmɔbe

iyenmaale i'ba i bore' nin yii la, Uwien li wuon ne i'tingi.

¹⁶ Nĩ te ma ke la, cère men tí li tuu ki kpe usen wà ti li là kpe wù ki lá baa' fenfennò nò.

¹⁷ N'yaabe, ni'ke ní tekn n'taal ni, kí li tùoreh ki sekndeh binib bà teh ti là wuon' ne ki ye ní li teh ma bo nnò.

¹⁸ Kimε n là kpiε' ki tòke' ne ηò, ki tí tòkeh ne fenfennò wuò nin tinunsiir ki teh binib bà yebe ne ηmòbe mitetem mà cère' bi yih Kristo ya kuum udòpònpò bo fennm.

¹⁹ Bi li tĩ fòre kí juore fenn ne. Bi'bent ne yé bi'Wien. Bi jebnh bi'ba bi'fe ya tòn bo ne. Bi'yenmaale ke pe unendun ya bont bo ne.

²⁰ Tinbi wòn, ti yé paaki bó yaab ne. Nen bo ne ti gu nin inunmón lidaali là Yonbdaan *Yesu Kristo ti'Nmienl li ñe ni'bó kí baa ní,

²¹ kí lèbre ti'gbenent tà ηa ηmòbe sel nnò kí nenge u'yaar tà ηmòbe ukpieke nnò, kimε u ηmòbe mituəm wò ní cère tibont ke ní tuo u'ñòbu bó.

4

¹ Nen bo, n'yaabe, n yíe ne ne, ki dòkn' ne ceen. Ninbi ne yé n'bo n'yensange, ki yé n'bo lisuul là bi dienh lè wà mòn' ki faake'. Tùore men kí li pe Yonbdaan ya sen bo nnò.

Igbiere

² Efodi nin Sentik, n sureh ne nibonn nà bo si: Yonbdaan bo ní li lienh ki ciuh tób bó.

³ Sin n'tonsòntò, umemòndaan, n gbáanh ηe ne, á tore be kimε bi yé bipiib bà nin Kleman nin n'tonsòntòb là mònde' ki tore' nni tigbemòmònt ya

təkm ni nε. Uwien kele' bi'yel limiel ya gbənkɔ ni ηɔ.

⁴ Yonbdaan bo, li poknh mɛn uyo kε. N liebe' ki təkɛh nε nε, li poknh mɛn.

⁵ Li ηmε mɛn nin binib kε. Yonbdaan ya babaadaali nεkn' ní ηɔ.

⁶ La cère mɛn iyɛnmaale rí li wiebe nε niba bo, ama ní li kàareh isɛn kε ni, kí li gbáanh Uwien, kí li faareh wɔ, kí li miɛh wɔ nà pɔre' nε.

⁷ Nnɔ nε Uwien ya yɛnduɔn wà cɛn' unisaal ya bɛnm kε nnɔ, li de nε lifɛsɔngl, kí cère ni'yɛnm rí li dɔ kí n̄ε *Yesu Kristo bo.

⁸ Tɔ, n'yaabε, cère mɛn ni'nun rí li mɔn nà kε yé nibonmɔnn nin nà kε kpε bε rí li boh nε nin nà kε cuube nin nà kε ηa ηmɔbe jɔknt nin nà kε kpε bε rí li yíe nè nin nà kε ηmɔbe lisel nin nà mɔn ki tí gben' ki ηmɔbe kupɛnpɛku bo.

⁹ Li teh mɛn ni bɛnge' nà n'saan, ki cii' nè, ki teke' nè, ki laa' n teh nè nnɔ, ηɔ Uwien uyɛnduɔn ya daan rí li te nin nε.

Pəl faareh Filip yaab bi'pum bo

¹⁰ N ηmɔbe uyɛnsɔnge Yonbdaan bo ki gbien', kimε ni ji fre' ki wuɔn' ki ye ni tien n'ból. Ni lí là tien n'ból nε, ama na là laa' sɛn nε ní wuɔn kí ye ni tien n'ból.

¹¹ Nà yé n te tijiint ni nε cère' n lienh nnɔ, kimε n bɛnge' n li fuobe ma bo isɛn kε ni.

¹² N bɛn n li fuobe ma bo tijiint ni bii ligbɛl ni. N bɛnge' uyo kε, n li fuobe ma bo isɛn kε ni. N jinh ki gbuokeh bii n te mikɔnm la, n ηmɔbe ki gbien' bii n ηmɔbe waamu la, n bɛn rí li tien ma.

¹³ Kí n̄ε Kristo wà dienh nni mituɔm nnɔ bo nε n li fre kí tien ni'ke.

14 Nin nen ke, ni tore' nni n'jend ni ma nnɔ, ni tien' nɔ mɔn ne.

15 Ninbi Filip yaab mɔnɔn ben ki ye uyo wà n là siereh Maseduɔnn ya tinfenm ni nnɔ, ninbi baba ŋa nɔ la, Kristo ya taanl liba mɔnɔn ŋa là ñen' ni'ba ki tore' nni. N là cin' u ya yo ne ki tɔkeh binib Kristo ya gbemɔnmɔnt mitinfenm nnɔ ni.

16 N là te Tesalonik ya du ni uyo wà nnɔ, ni là nèkn' nni nà pɔre' nni nɔ gèbre' bolm miba.

17 Na yé n nuunh mipum baba ne; ama n nuunh ni'pum nnɔ bo, Uwien ní cère ní le mimɔnm kí gbien ne.

18 Ni de' nni nà nnɔ, ni'ke kɔn' n'nuɔ ni. Ni yebe ki cen' n là cieke nà mɔnɔn. Ni sɔn' Epafrodit wɔ ní lá de nni nà nnɔ, n laa' nè, ne ki ji ŋmɔbe ki gbien'. Ni'pum nnɔ te ten lituɔrl là mɔn li'nu ŋme, Uwien teke' lè, u'yenm sɔnge li'bo ne.

19 N'Wien ŋmɔbe ukpieke, ki ŋmɔbe lifaal ki gbien' ma nnɔ, *Yesu Kristo bo, u li de ne nà ke pɔre' ne.

20 Cère men tí kpieke ti'Baa Uwien uyo wà ŋa ŋmɔbe ghenm. Ami.

Ifuondfɔrke

21 Ní fuonde binib bà ke yé Uwien yaab kí ñe *Yesu Kristo bo nnɔ jeje kí de nni. Kristo yaab bà te n'saan nnɔ mɔ fuondeh ne.

22 Uwien ya nib ke fuondeh ne. Uɔercien Sesa ya tonsɔnb bà yé Uwien ya nib nnɔ tɔreh ki fuondeh ne.

23 Yonbdaan *Yesu Kristo ní juoke ne.

Uwien ya Jɔtiefɛnku ya gbɔnku
The New Testament in the Ngangam language of Togo
copyright © 2011 Wycliffe Bible Translators, Inc.

Language: Ngangam

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Ngangam

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files
dated 29 Jan 2022
f30fbe0b-cda1-5a60-a4ee-8be80c6caef6